



REPUBLIKA E KOSOVËS
Republika Kosova–Republic of Kosovo
Prokurori i Shtetit / Državni Tužilac / State Prosecutor
PROKURORIA THEMELORE / OSNOVNO TUŽILAŠTVO / BASIC PROSECUTION
GJAKOVË - DAKOVICA

AD.nr.01/2025

Dt.24.03.2025

Gj a k o v ë

Kryeprokurori i Prokurorisë Themelore Gjakovë, duke vendosur lidhur me ankesën e paraqitur nga përfaqësuesi i autorizuar i të dëmtuarit [REDAKTUAR] nga fshati [REDAKTUAR] Komuna [REDAKTUAR] – avokati [REDAKTUAR] nga [REDAKTUAR], ndaj prokurorit së Prokurorisë Themelore në Gjakovë/Departamenti Përgjithshëm [REDAKTUAR], lidhur me trajtimin e çështjes penale PP/IL.nr. [REDAKTUAR], konform nenit 9 par.1 pika.1.5 dhe par.6 të Ligjit për përgjegjësinë disiplinore të gjyqtarëve dhe prokurorëve dhe nenit 7 par.3 të Rregullores për procedurën disiplinore të prokurorëve, merr këtë:

V E N D I M

REFUZOHET si e pa bazuar ankesa e paraqitur nga përfaqësuesi i të dëmtuarit [REDAKTUAR] nga fshati [REDAKTUAR], Komuna [REDAKTUAR] – avokati [REDAKTUAR] nga [REDAKTUAR], ndaj prokurorit së Prokurorisë Themelore në Gjakovë/Departamenti Përgjithshëm [REDAKTUAR], sepse nuk ekzistojnë shkelje disiplinore nga neni 6 par.1 dhe 2 të Ligjit për përgjegjësinë disiplinore të gjyqtarëve dhe prokurorëve.

A r s y e t i m

Stacioni Policor Malishevë, ka paraqitur kallëzim penal kundër [REDAKTUAR] nga fshati [REDAKTUAR], Komuna [REDAKTUAR], për shkak të veprës penale, shkaktimi i rrezikut të përgjithshëm nga neni 356 të KPRK-së dhe veprës penale kanosje nga neni 181 të KPRK-së.

Përfaqësuesi i autorizuar i të dëmtuarit [REDAKTUAR] nga fshati [REDAKTUAR], Komuna [REDAKTUAR] – avokati [REDAKTUAR] nga [REDAKTUAR], ka paraqitur ankesë, respektivisht kërkesë për fillimin e procedurës disiplinore ndaj prokurorit së Prokurorisë Themelore në Gjakovë/Departamenti Përgjithshëm [REDAKTUAR], duke cekur ndër tjera se prokurori ka neglizhuar këtë çështje dhe nuk ka ndërmarr veprimet e nevojshme dhe pala ende nuk ka marr përgjigje lidhur me këtë çështje, ende nuk është ngritur aktakuzë.

Veprimet e autoritetit kompetent;

Pas pranimit të ankesës, janë analizuar në hollësi të gjitha pretendimet e paraqitura në ankesë, po ashtu duke vepruar konform nenit 9 par.5 të Ligjit për përgjegjësinë disiplinore të gjyqtarëve dhe prokurorëve, nga prokurori është kërkuar raport me shkrim lidhur me veprimet e ndërmarra në këtë çështje penale dhe pretendimet e paraqitura në ankesë.

Prokurori i çështjes, ka paraqitur raportin me shkrim, ndër tjera duke cekur: se në fillim të vitit 2024 ka startuar me mbi 400 lëndë të rregullta, e më pas ka pranuar mbi 250 lëndë të reja, ashtu që gjatë këtij viti në punë kanë qenë rreth 700 lëndë, prej të cilave janë punuar afër 400 lëndë, i cili fakt tregon mbingarkesën e punës, pastaj në këtë çështje me dt.11.04.2024 ka nxjerrë vendim për akt ekspertizë mjeko ligjore, në bazë të kërkesës së av. [REDAKTUAR], të njëjtit i është fotokopjuar i tërë kallëzimi penal dhe është njoftuar, përveç të tjerave edhe me ekzaminimin mjeko ligjore, fakt i cili vërtetohet me fletë dërgesën për dorëzim personal të dt.16.04.2024.

Duke shtuar se ka marr aktvendim për fillim të hetimeve ndaj të pandehurit [REDAKTUAR] për shkak të veprës penale Shkaktim i rrezikut të përgjithshëm nga neni 356 par.6 lidhur me par.1 të KPRK-së, veprës penale Mbajtja në pronësi, kontroll ose posedim të paautorizuar të armëve nga neni 366 par.1 të KPRK-së dhe veprës penale Kanosja nga neni 181 par.1 të KPRK-së, po ashtu edhe janë marr veprime të tjera hetimore, respektivisht është marr vendim për ekzaminim të provës (DVR-it), aktvendim për caktimin e ekspertit të balistikës e po ashtu është marr vendim për ekzaminimin e mostrave të barotit në prova të siguruara nga i dëmtuari, duke marr disa nga deklaratat e palëve.

Po ashtu ndër tjera prokurori ka cekur se në shkresat e lëndës ekziston një propozim i përfaqësuesit të autorizuar për rikonstruktiv të vendit të ngjarjes sipas nenit 148 të KPRK-së, dhe se varësisht nga rezultatet e provave tjera si nxjerrja e video incizimeve nga DVR, do të vlerësohet propozimi i tillë.

Të gjeturat e autoritetit kompetent;

Autoriteti kompetent pasi që ka vlerësuar dhe analizuar pretendimet e paraqitura nga pala ankuese, pastaj përgjigjen apo raportin e prokurorit ndaj të cilit është paraqitur ankesa, sa i përket pretendimeve të ankuesit lidhur me veprimet apo mosveprimet e prokurorit të çështjes, konstatohet se prokurori në lidhje me këtë çështje ka marr vendim për caktimin e ekspertit mjekoligjor për të paraqitur ekspertizë mjeko ligjor, po ashtu është marr aktvendim për fillimin e hetimeve kundër të pandehurit [REDAKTUAR] nga fshati [REDAKTUAR], Komuna [REDAKTUAR], për shkak të veprës penale, shkaktimi i rrezikut të përgjithshëm nga neni 356 të KPRK-së, veprës penale kanosje nga neni 181 të KPRK-së dhe veprës penale mbajtja në pronësi, kontroll ose posedim të paautorizuar të armëve nga neni 366 të KPRK-së, duke vazhduar me procedimin e palëve në procedurë si dhe veprimet e tjera dhe se trajtimi i kësaj çështje penale ka marr kohe për shkak të ngarkesës me lëndë, sikurse ka cekur në përgjigjen e tij dhe së në vazhdim do të vendos në lidhje me propozimet e palëve në procedurë dhe përfundimin e kësaj çështje penale.

Në përfundim në bazë të cekurave më lartë, autoriteti kompetent ka vlerësuar se ankesa është e pa bazuar dhe se në rastin konkret në veprimet e prokurorit në çështjen penale konkrete, nuk ekzistojnë shkelje disiplinore konform nenit 6 par.1 dhe 2 të Ligjit për përgjegjësinë disiplinore të gjyqtarëve dhe prokurorëve, duke u bazuar në të cekurat më lartë.

Për arsyerat e lartcekura u vendos si në dispozitiv të vendimit.

T'i dorëzohet :

- Këshillit Prokurorial të Kosovës
- av. [REDAKTUAR] - Njoftim me shkrim
- Shkresave të lëndës

